

O'ZBEKISTON RESPUBLIKASI  
VAZIRLAR MAHKAMASINING  
QARORI



ПОСТАНОВЛЕНИЕ  
КАБИНЕТА МИНИСТРОВ  
РЕСПУБЛИКИ УЗБЕКИСТАН

« 17 » август 2018 у.

№ 673

Toshkent sh.

**Хорижий автоташувчиларни халқаро йўлларда ташиш китобчасини  
қўллаган ҳолда юкларни ҳалқаро ташиш тўғрисидаги божхона Конвенцияси  
низомларидан Ўзбекистон Республикаси ҳудудида фойдаланиш ҳуқуқидан  
маҳрум қилиш ва бундай ҳуқуқни тиклаш тартиби тўғрисидаги Низомни  
тасдиқлаш хақида**

Ўзбекистон Республикаси Президентининг “Ўзбекистон Республикаси  
Давлат божхона хизмати органлари фаолиятини тубдан такомиллаштириш чора-  
тадбирлари тўғрисида” 2018 йил 12 апрелдаги ПФ-5414-сон Фармонига асосан  
ва ХЙТ китобчасини қўллаган ҳолда юкларни ҳалқаро ташиш тўғрисидаги  
божхона Конвенциясини (ХЙТ Конвенцияси, 1975 й.) қўллаш доирасида божхона  
ишини ҳуқуқий тартибга солишни такомиллаштириш мақсадида Вазирлар  
Маҳкамаси қарор қиласди:

1. Хорижий автоташувчиларни халқаро йўлларда ташиш китобчасини  
қўллаган ҳолда юкларни ҳалқаро ташиш тўғрисидаги божхона Конвенцияси  
низомларидан Ўзбекистон Республикаси ҳудудида фойдаланиш ҳуқуқидан  
маҳрум қилиш ва бундай ҳуқуқни тиклаш тартиби тўғрисидаги Низом иловага  
мувофиқ тасдиқлансан.
2. Ушбу қарор расмий эълон қилинган кундан эътиборан уч ой ўтгач кучга  
киради.
3. Мазкур қарорнинг бажарилишини назорат қилиш Ўзбекистон  
Республикаси Бош вазирининг ўринbosари Н.С. Отажонов ва Ўзбекистон  
Республикаси Давлат божхона қўмитаси раиси М.Б. Азимов зиммасига юклансин.

**Ўзбекистон Республикасининг  
Бош вазири**



**А. Арипов**

Вазирлар Маҳкамасининг 2018 йил  
17 август даги 673 -сон қарорига  
илова

**Хорижий автоташувчиларни халқаро йўлларда ташиш китобчасини  
қўллаган ҳолда юкларни халқаро ташиш тўғрисидаги божхона Конвенцияси  
низомларидан Ўзбекистон Республикаси худудида фойдаланиш хуқуқидан  
маҳрум қилиш ва бундай хуқуқни тиклаш тартиби тўғрисида  
НИЗОМ**

**1-боб. Умумий қоидалар**

1. Ушбу Низом хорижий автоташувчиларни (кейинги ўринларда ташувчи деб аталади) 1975 йил 14 ноябрдаги халқаро йўлларда ташиш китобчасини қўллаган ҳолда юкларни халқаро ташиш тўғрисидаги божхона Конвенцияси (кейинги ўринларда Конвенция деб аталади) низомларидан Ўзбекистон Республикаси худудида фойдаланиш хуқуқидан маҳрум қилиш ва бундай хуқуқни тиклаш тартибини белгилайди.

2. Ўзбекистон Республикаси Давлат божхона кўмитаси (кейинги ўринларда ДБҚ деб аталади), Ўзбекистон Республикаси худудида Конвенция низомларидан фойдаланиш хуқуқидан маҳрум қилинган ва бундай хукуқи тикланган ташувчиларнинг, ушбу Низом иловасида белгиланган шаклда, реестрини юритади.

**2-боб. Хорижий автоташувчини Конвенция низомларидан фойдаланиш  
хуқуқидан маҳрум қилиш шартлари**

3. Ташувчи ДБҚ қарорига мувофиқ Ўзбекистон Республикаси худудида қўйидаги ҳолларда Конвенция низомларидан фойдаланиш хуқуқидан маҳрум қилиниши мумкин:

а) халқаро йўлларда ташиш (кейинги ўринларда ХЙТ деб аталади) тартиби бузилганлиги муносабати билан божхона тўловларини тўлаш бўйича мажбуриятини бажармаслик;

б) қўйидагиларда ифодаланадиган Конвенция низомларининг бир неча бор бузилиши ва (ёки) Ўзбекистон Республикаси божхона қонунчилиги талабларига риоя қиласлик:

Ўзбекистон Республикаси божхона чегараси орқали товарларнинг ноқонуний олиб ўтилишида;

божхона назоратидаги товарларни, Ўзбекистон Республикаси божхона органлари томонидан ёки Ўзбекистон Республикаси божхона худудида Ўзбекистон Республикаси қонунчилигига белгиланган етказиб бериш жойига етказмасликда, божхона органлари рухсатисиз божхона назоратидаги товарларни бошқа шахсларга бериб юборишида ёки уларни йўқотишида;

Ўзбекистон Республикаси божхона худудидан божхона органлари томонидан чиқарип юборилишига рухсат берилган товарларнинг ишлатилишида ва (ёки) уларга эгалик қилишда;

Ўзбекистон Республикаси Божхона кодексида белгиланган муддатларда халқаро ташувдаги транспорт воситаларини Ўзбекистон Республикаси божхона худудидан олиб чиқиб кетмаслиқда.

4. Куйидаги ҳолларда худудий божхона бошқармалари уч кун муддатда ташувчини Ўзбекистон Республикаси худудида Конвенция низомларидан фойдаланиш ҳуқуқидан маҳрум қилиниши бўйича ДБҚ га таклифлар юборади:

божхона органлари томонидан ХЙТ тартиби бузилганлиги муносабати билан божхона тўловлари ундирилиши бўйича қарор қабул қилинган санадан ўттиз календарь қуни ўтгандан сўнг ташувчи томонидан божхона тўловларини тўлаш мажбурияти бажарилмагандা;

ташувчи ва (ёки) уни ваколатли шахсига нисбатан маъмурий жазо қўллаш бўйича қарор ёхуд ташувчининг ваколатли шахсига нисбатан жиноий иш бўйича қарор қонуний кучга киргандан сўнг (кейинги ўринларда суд қарорлари деб аталади), агар бундай суд қарорлари ижро этилмаган тақдирда.

5. Ташувчини Ўзбекистон Республикаси худудида Конвенция низомларидан фойдаланиш ҳуқуқидан маҳрум қилиш бўйича қарор (кейинги ўринларда ҳуқуқидан маҳрум қилиш бўйича қарор деб аталади), мазкур Низомнинг З-бандида белгиланган ҳолатларда худудий божхона бошқармалари томонидан ДБҚ га тақдим қилинган таклифлар асосида, ДБҚ хатларига мувофиқ расмийлаштирилиб, худудий божхона бошқармалари, ташувчи, ХЙТ Ижроия кенгаши, Кафолат бирлашмаси ва ташувчи ташкил этилган ёки доимий манзилгоҳи жойлашган давлатнинг ваколатли органи манзилларига юборилади.

### **3-боб. Хорижий автоташувчининг Конвенция низомларидан фойдаланиш ҳуқуқини тиклаш шартлари**

6. Ташувчиларда ДБҚнинг қарорига мувофиқ Ўзбекистон Республикаси худудида Конвенция низомларидан фойдаланиш ҳуқуқи тикланиши мумкин:

а) ушбу ҳукуқдан маҳрум қилиш учун асос бўлган сабаблар бартараф этилган қуйидаги ҳолларда:

божхона тўловлари тўланиши ёки уларни ундириш мажбуриятининг бажарилиши;

ташувчи ёки унинг ваколатли шахсини Ўзбекистон Республикаси божхона қонунчилигини бузганликда айбдор деб топиш тўғрисидаги суд қарорининг белгиланган тартибда бекор қилиниши;

ташувчи ёки унинг ваколатли шахсини маъмурий жавобгарликка тортиш тўғрисидаги қарорнинг ижро этилиши;

б) мазкур Низомнинг З-бандида кўрсатилган, Ўзбекистон Республикаси худудида Конвенция низомларидан фойдаланиш ҳуқуқидан маҳрум қилиниши мумкин бўлган божхона қонунчилигининг бошқа бузилиш ҳолатларининг мавжуд эмаслиги.

7. Ўзбекистон Республикаси ҳудудида Конвенция низомларидан фойдаланиш ҳуқуқини тиклаш тўғрисидаги қарор (кейинги ўринларда ҳуқуқни тиклаш тўғрисидаги қарор деб аталади) ушбу Низомнинг 6-бандида белгиланган шартларга ташувчи томонидан риоя этилган тақдирда қабул қилиниши мумкин.

Ҳуқуқни тиклаш тўғрисидаги қарор, ташувчиниг ҳудудий божхона бошқармасига, ҳуқуқдан маҳрум қилинишига сабаб бўлганларни бартараф этилганлигини тасдиқловчи ҳужжатларни илова қилган ҳолда, ихтиёрий шаклдаги ёзма равишда берган аризасига (кейинги ўринларда ташувчининг аризаси деб аталади) биноан қабул қилинади.

Ҳудудий божхона бошқармалари, ташувчини ҳуқуқдан маҳрум қилиш сабаблари бартараф этилганлигини тасдиқловчи ҳужжатлар илова қилинган ҳолда, ташувчининг аризаси қабул қилинган кундан эътиборан уч кун муддат ичida ДБҚга тақлифлар тақдим этишади.

Ташувчининг аризаси ва Ўзбекистон Республикаси ҳудудида Конвенция низомларидан фойдаланиш ҳуқуқини тиклаш тўғрисидаги ҳудудий божхона бошқармасининг тақлифи ДБҚ томонидан кўриб чиқилади.

Ташувчини аризаси ва ҳудудий божхона бошқармасининг тақлифларини кўриб чиқиши натижалари бўйича ДБҚ томонидан Ўзбекистон Республикаси ҳудудида Конвенция низомларидан фойдаланиш ҳуқуқини тиклаш ёки бундай ҳуқуқнинг тикланишини рад этиш тўғрисидаги қарор қабул қилинади.

Бунда, ҳуқуқни тиклаш ёки унинг тикланишини рад этиш тўғрисидаги қарорни кўриб чиқиши ва қабул қилиш муддати ўн иш қунидан ошмаслиги лозим.

8. Ҳуқуқни тиклаш тўғрисидаги қарор ДБҚ хатларига мувофиқ расмийлаштирилиб, ҳудудий божхона бошқармалари, ташувчи, ХЙТ Ижроия кенгashi, Кафолат бирлашмаси ва ташувчи ташкил этилган ёки доимий манзилгоҳи жойлашган мамлакатнинг ваколатли органи манзилларига юборилади.

Хорижий автоташувчиларни халқаро йўлларда ташиш  
китобчасини қўллаган ҳолда юкларни халқаро ташиш  
тўғрисидаги божхона Конвенцияси низомларидан  
Ўзбекистон Республикаси ҳудудида фойдаланиш  
ҳукуқидан маҳрум қилиш ва бундай ҳукуқни тиклаш  
тартиби тўғрисидаги Низомга  
илова

1975 йил 14 ноябрдаги халқаро йўлларда ташиш китобчасини қўллаган холда юкларни халқаро ташиш тўғрисидаги божхона Конвенцияси низомларидан Ўзбекистон Республикаси худудида фойдаланиш хуқуқидан маҳрум қилинган ёки бундай хуқуки тикланган ташувчилар реестри

Т/р	Халқаро йўлларда ташиш китобчаси эгасининг идентификациялаш рақами	Ташувчининг номи	Ташувчининг турар жойи (мамлакати, манзили)	Давлат божхона қўмитасининг ташувчини Ўзбекистон Республикаси худудида халқаро йўлларда ташиш китобчасини қўллаган ҳолда юкларни халқаро ташиш тўғрисидаги божхона Конвенцияси низомларидан фойдаланиш хукуқидан маҳрум қилиш тўғрисидаги хатининг рақами ва санаси	Ташувчини Ўзбекистон Республикаси худудида халқаро йўлларда ташиш китобчасини қўллаган ҳолда юкларни халқаро ташиш тўғрисидаги божхона Конвенцияси низомларидан фойдаланиш хукуқидан маҳрум қилиш асоси	Қонун бузилиши содир этилган халқаро йўлларда ташиш китобчасининг рақами	Давлат божхона қўмитасининг ташувчининг Ўзбекистон Республикаси худудида халқаро йўлларда ташиш китобчасини қўллаган ҳолда юкларни халқаро ташиш тўғрисидаги божхона Конвенцияси низомларидан фойдаланиш хукуқини тиклаш тўғрисидаги хатининг рақами ва санаси	Ташувчининг Ўзбекистон Республикаси худудида халқаро йўлларда ташиш китобчасини қўллаган ҳолда юкларни халқаро ташиш тўғрисидаги божхона Конвенцияси низомларидан фойдаланиш хукуки тиклаш асослари	Изоҳ
1	2	3	4	5	6	7	8	9	10